



TE PĀPĀHO REO MĀORI

PAEREWĀ 26259 (Tauira 2)

Te tuhi me te pāpāho reo Māori i te reo irirangi Māori e ai ki ngā hui, ki ngā tohu hoki a
Tāwhirimātea

(Kaupae 4, Whiwhinga 10)

PUKAPUKA ĀKONGA



INGOA

WĀNANGA/KURA

KAIAROMĀTAI/KAIAKO

TAU ĀKONGA NSN

Tēnā koe

Anei tō pukapuka aromatawai mō te paerewa **26259: Te tuhi me te pāpāho reo Māori i te reo irirangi Māori e ai ki ngā hui, ki ngā tohu hoki o Tāwhirimātea.**

Te paerau aromatawai

E TORU (3) ngā tūmahi aromatawai mō te paerewa nei hei whakaoti tika i a koe.

E TORU (3) ngā taumahi mō te Tūmahi Aromatawai 1, ā, e RUA (2) ngā taumahi mō te Tūmahi Aromatawai 2.

Ngā tohutohu

Ko āu mahi mō te paerewa nei:

Tuhia he kōrerorero ki te reo Māori mō tētahi kohinga pāpāho whaiaro, kia whakaatu anō ki tētahi hunga mātakitaki, kia pāpāho rānei i te reo irirangi Māori, i te pouaka whakaata Māori.

E toru ngā wāhanga:

- te pānui i ngā huihuinga me ngā kaupapa
- te pāpāho kōrero i te reo Māori
- ngā Tohu a Tāwhirimātea

Me hāngai tika ngā kōrero katoa ki te kaupapa

Ngā ture

- Me whakaoti tika i ngā tūmahi katoa kia whai whiwhinga ai.
- Mā kōrua ko tō kaiaromātai/kaiako e whakatau i te tukanga whakaatu, i ngā rauemi hoki ka whakamahia (te rorohiko, te kāmera, te aha atu, te aha atu).
- Me whakaoti tūmahi i roto i ngā hāora o te akomanga engari kei a koe anō te wā kia rangahau kōrero, kia wānanga kaupapa rānei.
- Mā tō kaiaromātai/kaiako e kōrero mō ngā tukanga aromatawai, ngā tukanga mātairua rānei.
- Mā tō kaiaromātai/kaiako anō e whakarite āheinga pea ki te ipurangi, ki te wharepukapuka, ki te marae, ki ngā whare taonga rānei.
- E taea ai te mahi takirua engari ka aromatawai tonu i āu ake mahi.

Ngā rauemi

- Ngā tānga kōrero a te kaiaromātai/kaiako, te kāmera mō ngā whakaahua, ngā kōnae hoki kia kohikohi kōrero rangahau.

Te Hāponotanga

E ai ki ngā ture o NZQA:

- Nāu anō ngā mahi katoa i whakarite hei aromatawai
- Mā te kaiaromātai/kaiako e whai whakaaro (e whakatau) mēnā he mahi kua tāruatia, kua kapea rānei i tētahi atu ākonga, i tētahi pukapuka, i te ipurangi, i te aha atu, i te aha atu.

E taea e koe te ako ngātahi, te mahi ngātahi rānei i ētahi atu tangata hei kohikohi kōrero i ngā puna tautoko huhua. Heoi anō, me mātua mōhio nei te kaiaromātai/kaiako nāu anō ngā mahi i whakarite, i whakatakoto. Hei akiaki tonu i te hāponotanga o āu mahi katoa me whakamahi anō koe i āu ake kupu, ā, me noho mai he āpiti tohutoro i āu puna tautoko.

Me he pātai, he āwangawanga anō ōu, kōrero ki tō kaiako.

Pēhia te paehono nei mō ngā tānga kōrero me ngā whakamārama:

<https://www.nzqa.govt.nz/providers-partners/assessment-and-moderation-of-standards/assessment-of-standards/generic-resources/authenticity/>

KO TĀ TE ĀKONGA PEPA AROMATAWAI

INGOA

NSN #

Putanga 1 Tuhia he kōrerorero ki te reo Māori kia pāpāho i ngā huihuinga me ngā kaupapa Māori i te reo irirangi Māori.

Te tirohanga: Me whai taunaki o ngā hui e toru (3) me ngā kaupapa e toru (3).

Assessment Task 1

Kia mōhio mai: E TORU ngā taumahi mō tēnei tūmahi.

Hei mahi 1

Whakaritea mai he maramataka mō ngā hui me ngā kaupapa Māori i roto i te tau i tō rohe.

Me mātua whakamārama mai:

- E TORU (3) ngā kaupapa pēnei i te hākinakina, te hapori, te whakaemi pūtea, te mahi taurima, te whakawhiwhi tohu, te marea, te kura, te aha atu, te aha atu.
- E TORU (3) ngā hui Māori pēnei i te hui ā-whānau, te hui ā-marae, te hui ā-kāwanatanga, te hura kōhatu, te tangihanga, te kawē mate, te aha atu, te aha atu.

Kaua e wareware ki te kōrero mō te momo hui, te kaupapa, te rā, te wāhi anō hoki.

Hei mahi 2

Kōwhiria e TORU ngā kaupapa, ā, e TORU ngā hui o te maramataka kia waihanga kōrerorero mō ia mahi. Kia ONO ngā kōrerorero hei rau atu ki tō kohinga pāpāho whaiaro.

Me maumahara:

- Kaua e takaroa atu i te 40 hekona mō ia tauira
- Whakamahia ngā rerenga kōrero, ngā kōrero takitini, ngā tūkapi, ngā rirohanga, ngā wā hoki e tika ana ki te wetewete-reo o Te Taura Whiri i te Reo Māori.
- Whakamahia hoki ngā kupu hou, ngā mita me ngā kupu taka e tika ana ki te wetewete-reo o Te Taura Whiri i te reo Māori.
- Me whakaū ki ngā paerewa ētita o te reo irirangi e whakamārama ana i te āhua, i te hangarau, i te wā o te pāhotanga – arā te wā ki mua, ki waenga, ki muri rānei i te pāhotanga.

Hei mahi 3

Me waihanga i TĒTAHI pepa aromatawai mō te hiranga o tō pāhotanga.

Kōwhiria tētahi o ngā rautaki aromatawai e whai nei:

- mā te tīpokapoka ingoa i te pukapuka nama waea me te waea atu
- mā te whakarite rōpū kia rongo i te pāhonga me te tuku whakaaro mai
- mā te whakarite hoa hei whakahoki kōrero mai i te mutunga o te pāhotanga
- mā te pōwhiri ki te hunga whakarongo kia tuku whakaaro mai i waenga i te pāhotanga
- mā tētahi atu tukanga whakatena kōrero aromatawai (he ōkawa, he ōpaki rānei)

Tāpirihia hoki ētahi atu whakamārama e taunaki ana i te tukanga aromatawai i mahia, i ngā kōrero whakahoki a te hunga whakarongo. E taea ai te whakatakoto taunaki ā-tuhi, ā-waha rānei (he MP3, he rīpene, he kōpae te aha atu, te aha atu).

Putanga 2 Tuhia he kōrerorero ki te reo Māori kia pāho atu ai i te reo irirangi Māori.
Te Tirohanga: Me whai i ngā tuhinga e ONO (6).

Tūmahi Aromatawai 2

Kia maumahara: E rua ngā taumahi mō te Tūmahi Aromatawai 2.

Hei mahi 1

Kohingia mai ngā momo karere e taea ai te tuhi me te pāho i runga i te reo irirangi, ā, me rau atu ki tō kohinga pāpāho whaiaro.

Me mātua whakamārama:

- Ngā kōrero e ONO (6) mai i ngā kaupapa huhua e pēnei ana i te aro tāngata, ngā whakatutukitanga, ngā pūrongo kōti, ngā hui taraiapiunara, ngā kaupapa ā-rohe, ngā kaupapa kāwanatanga, ngā kaupapa ā-hapū, ā-iwi, ngā kaupapa arumoni, ngā kaupapa mātauranga rānei.

Ngā mahi whakarite:

- Me āta rangahau i tō kaupapa kia mārāma ai ki ngā tūāhuatanga katoa i mua i te kaupapa pēnei i te tono whakaaetanga kia pāpāhotia
- I a koe i te kaupapa, me mātua rēkoata i ngā kitenga me ngā rangona
- I mua i te tuhi kōrerorero pāpāho, me mātua whai i tētahi tirohanga

Me whai hoki i ngā tikanga ētita:

- Kaua e takaroa atu i te 60 hekona mō ia tauira
- Whakamahia ngā rerenga kōrero, ngā kōrero takitini, ngā tūkapi, ngā rirohanga, ngā wā hoki e tika ana ki ngā ture wetewete-reo o Te Taura Whiri i te Reo Māori.
- Whakamahia hoki ngā kupu hou, ngā mita me ngā kupu taka e tika ana ki ngā ture wetewete-reo o Te Taura Whiri i te reo Māori. Me whakaū ki ngā paerewa ētita o te reo irirangi e whakamārama ana i te āhua, i te hangarau, i te wā o te pāhotanga – arā te wā ki mua, ki waenga, ki muri rānei i te pāhotanga.

Hei mahi 2

Ka whakaatu koe i ngā kōrerorero pāpāho e ONO ki tētahi hunga mātakitaki, ki te reo irirangi Māori rānei. Me waihanga hoki tētahi pepa aromatawai mō te hiranga o tō pāhotanga.

Kōwhiria tētahi o ngā rautaki aromatawai e whai nei:

- te tipokapoka ingoa i te pukapuka nama waea me te waea atu
- te whakarite rōpū kia rongo i te pāhonga me te tuku whakaaro mai
- te whakarite hoa hei whakahoki kōrero mai i te mutunga o te pāhotanga
- te pōwhiri ki te hunga whakarongo kia tuku whakaaro mai i waenga i te pāhotanga
- tētahi atu tukanga whakatena kōrero aromatawai (he ōkawa, he ōpaki rānei)

Tāpirihia hoki ētahi atu whakamārama e taunaki ana i te tukanga aromatawai i mahia, i ngā kōrero whakahoki a te hunga whakarongo. E taea ai te whakatakoto taunaki ā-tuhi, ā-waha rānei (he MP3, he rīpene, he kōpae te aha atu, te aha atu).

Putanga 3 Tuhia he kōrerorero ki te reo Māori kia pāho atu ai i te reo irirangi Māori.
Te Tirohanga: Me whai i ngā tuhinga e ONO (6).

Tūmahi Aromatawai 3

Tuhia he kōrerorero pāpāho ki te reo Māori e ai ki ngā tohu a Tāwhirimātea, ā, me pāpāho hoki i te reo irirangi Māori.

Me mātua whakamārama mai:

- ngā matapae huarere i roto i te wā poto me te wā roa
- he arotakenga o ngā pae huarere o te wā

Ngā mahi whakarite

- Tirohia ngā tohu huarere o te wā
- Pānuitia te nūpepa, te pātuhi pouaka whakaata, ngā pūrongo o Te Ratonga Tiorangi o Aotearoa me ētahi atu pāpāho tohu huarere

Me whai hoki i ngā tikanga ētita:

- kaua e takaroa atu i te 40 hekona mō ia tauira
- whakamahia ngā rerenga kōrero, ngā kōrero takitini, ngā tūkapi, ngā rirohanga, ngā wā hoki e tika ana ki ngā ture wetewete-reo o Te Taura Whiri i te Reo Māori.
- whakamahia hoki ngā kupu hou, ngā mita me ngā kupu taka e tika ana ki ngā ture wetewete-reo o Te Taura Whiri i te reo Māori. Me whakaū ki ngā paerewa ētita o te reo irirangi e whakamārama ana i te āhua, i te hangarau, i te wā o te pāhotanga – arā te wā ki mua, ki waenga, ki muri rānei i te pāhotanga.

Kia kaha kia manawanui.

He pitopito kōrero: